

PHRAL THAY PHEN

Ulo ekh rom. Ov ulo parasnikos i prandenela. Lela peske ekh dasnya ..., romnya, de. Ulo les duy chhave. Ekh chhay thay ekh chhavo isi les. Ya, ma nakhla pes kolko vreme i ...

– A be, roma?

Kova phela:

– So si?

– Le, inkalen e chhaven! Zhanes so shukar ka zhivinas amenge!

Te mahninel pe chhaven.

– A chhe, romniye? Sar te mahninav e chhaven?

– Ami sar? Ka les len, ka geles len ko vesh i ka nashes tuke!

– Ami sar! On ka aven peske.

Ya, ma o chhavo shunla. Ka zhal hay ush kashtenge.

– Ka zhas khay uzh kashtenge – phenla – i ka mukes len ando vesh.

Ya, ma o rakloro shunla. Shunla i lilyas te zhal ...

– Ayde, mo chho! Ushti te keras kashtenge!

Odova lilyas e chhaven i tsidindyas. O raklo shunla i romni sar phenla pe romeske:

– Ka kerav ekh bokoli. Gelyan li – phenla – ando vesh, on ka mangen pani – phenla – Chhi i bokoli thay phen lenge: „ Prastan pal i bokoli! – phenla – Ute si i pani!“

O raklo shunla. Pherel pe zhebes prahos. Sa pal o taliga chhivel prahos, ta achhyola dirya. Gele ando vesh. Lengo dat chhindyas kashta. O rakloro:

– Dade! Mangasa te piyas panori, be!

– E-e-e! Akana pala pani mangna! Ka chhiyav ekh bokoli. Kate zhal i bokoli, uthe ka piyen pani.

Chhityas i bokoli, ge-e-e-li ando balkani i bokoli. E raklya prastan, prastan pal i bokoli. O dat prwginel i taliga, ushtel, avel peske.

– Dade! Dade! Dade!

Nanay dat, nanay nikon. Pal o prahos, pal o prahos – ale peske. Tamah tomnosaylo i zatropinde ko udar.

– Dade! Dade!

– Aki, ale peske e chhave!

– Tasya pala ingel lwn.